

**SIARAN MEDIA**  
**Untuk Siaran Segera****MSM KINI AHLI PERIKATAN GULA ASEAN**

MSM akan meluaskan lagi pasaran eksport

**KUALA LUMPUR, 23 JUN 2023** – MSM Malaysia Holdings Berhad (MSM), pengeluar jenama gula bertapis terkemuka "Gula Prai" kini merupakan sebahagian daripada inisiatif industri Perikatan Gula ASEAN (ASEAN Sugar Alliance (ASA)) melalui Memorandum Persefahaman (MoU) berkuat kuasa pada 20 Jun 2023 dengan syarikat penapis industri gula lain dari Kemboja, Indonesia, Myanmar, Filipina, Thailand dan Vietnam atau dikenali sebagai ahli ASA.

Ketua Pegawai Eksekutif Kumpulan MSM, Syed Feizal Syed Mohammad berkata "Sebagai pengeluar gula pertama negara dan salah satu syarikat penapisan gula tunggal terbesar di Asia dari segi kapasiti, kami telah membina asas kukuh yang disokong oleh nilai tambah hiliran dan pertumbuhan pasaran serantau di seluruh rantai nilai berkaitan makanan. Menjadi sebahagian daripada perikatan ini menunjukkan bahawa MSM terus mengembangkan model perniagaannya secara progresif selari dengan visinya untuk menjadi organisasi bertaraf dunia dan cekap kos yang didorong oleh kemampanan. Ia akan terus menyokong visi MSM untuk mengembangkan lagi jejak eksportnya daripada 6 peratus kini kepada 12-15 peratus bahagian pasaran dalam jangka terdekat hingga sederhana bagi pasaran serantau.

"MSM merancang untuk mengembangkan lagi pasaran eksportnya dari 17 negara di Asia Pasifik, Bangladesh dan Pakistan kepada pasaran baharu yang berkembang pesat seperti di benua Afrika. MSM juga sedang giat meneroka untuk mengembangkan kehadirannya dalam perniagaan gula global melalui pemerolehan strategik aset dan kepentingan di negara lain sebagai sebahagian daripada inisiatif pengembangan perniagaan jangka panjangnya. Menjadi ahli industri ASA akan menyediakan peluang akses maklumat pasaran global yang lebih baik pada masa hadapan," jelas Syed Feizal.



Baru-baru ini, MSM Sugar Refinery (Johor) Sdn Bhd (MSM Johor) telah menyiapkan program pemulihan teknikal yang akan meningkatkan faktor penggunaan pengeluaran (UF) dengan kebolehpercayaan dan ketersediaan penuh untuk penapisan pada kapasiti pengeluaran reka bentuk yang efektif iaitu sebanyak 1 juta tan setahun. MSM Johor mempunyai kelebihan geostrategik untuk memanfaatkan pasaran eksport yang semakin meningkat melebihi 4 juta tan setahun di rantau Asia Pasifik. Kuantiti eksport yang besar ke negara-negara seperti China, Bangladesh, Filipina dan Indonesia akan menjadi inisiatif MSM Johor dalam menembusi pasaran termasuk keupayaan untuk menyediakan penghantaran pukal pecah.

“Penyertaan MSM dalam ASA akan membolehkannya menjalin hubungan yang lebih erat dan kukuh dengan rakan dalam industri gula di ASEAN untuk mempromosi dan memudahkan perdagangan, pengeluaran dan kerjasama perniagaan gula. Ahli-ahli boleh terus bekerjasama dalam pertukaran maklumat dan kerjasama teknikal serta penyelidikan dan pembangunan tanaman tebu, gula dan produk berkaitan untuk manfaat lebih 650 juta penduduk di ASEAN,” tambah Syed Feizal.

Ditubuhkan pada 2016, ASEAN Sugar Alliance adalah platform bagi pengeluar gula utama di rantau ini untuk bertukar-tukar pandangan dan perkongsian dalam bidang kepentingan bersama, memupuk pembangunan industri, mempromosi dan menyokong industri gula serantau dan menjadikanya lebih berdaya saing di peringkat global.

Sejak 1964, MSM telah mengukuhkan kedudukannya sebagai kilang penapisan gula negara yang terkemuka, menyediakan produk gula bertapis berkualiti tinggi untuk memastikan keterjaminan makanan Malaysia. Pada masa ini, kapasiti pengeluaran tahunan Kumpulan MSM mencecah 2.05 juta tan metrik gula bertapis untuk pasaran domestik dan eksport.

**-TAMAT-**



### **Maklumat MSM Malaysia Holdings Berhad (MSM)**

MSM Malaysia Holdings Berhad (MSM) ialah pengeluar gula bertapis terkemuka Malaysia dan salah satu syarikat penapis gula terbesar di Asia. MSM terlibat dalam pengeluaran, pemasaran dan penjualan produk gula bertapis di bawah jenama "Gula Prai". Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan sebuah syarikat logistik – MSM Logistics Sdn Bhd.

Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2022, MSM mengeluarkan sebanyak 946,834 tan gula bertapis, di mana 230,903 tan adalah untuk pasaran eksport. Ketika ini, MSM menguasai sehingga 60% syer pasaran domestik. MSM telah disenaraikan di Pasaran Utama Bursa Malaysia sejak 2011 dan mempunyai modal pasaran sebanyak RM598 juta setakat 30 Disember 2022. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis antara lain-lain produknya. Selain daripada produk pengguna isi rumah, MSM menjual kepada pelbagai pelanggan di Malaysia dan juga negara-negara lain secara langsung dan tidak langsung melalui pedagang, pemborong dan pengedar. Para pelanggan termasuklah syarikat-syarikat besar dalam industri minuman dan makanan, hotel, restoran dan rangkaian kedai-kedai makanan.

Untuk maklumat lanjut, sila layari [www.msmsugar.com](http://www.msmsugar.com)

### **Pernyataan Berpandangan Ke Hadapan**

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti "percaya", "menganggarkan", "mengharapkan", "menjangka", "berhasrat", "mungkin", "akan", "merancang", "prospek" dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.

### **Untuk pertanyaan media sila hubungi:**

#### ***Siti Noorbaya Mohd Yunus***

+603 2181 5018 ext. 158

+6016 677 6118

[noorbaya.my@msmsugar.com](mailto:noorbaya.my@msmsugar.com)

#### ***Syahidah Ismail***

+603 2181 5018 ext. 154

+6019 225 9705

[syahidah.i@msmsugar.com](mailto:syahidah.i@msmsugar.com)